













Alarmer

Ca. 1619

195.-



# LES ALARMES.

**L**A France aux abois, en Lagonie, au dernier Spithame, souspire, plaint, lamente la necessité de sa derniere heure sa cheute, sa ruine, de tant plus a elle sensible que les siens n'ont point de ressentiments, d'autant plus miserable que les siens l'abandonnent, d'autant plus deplorable que les siens la regardent (mais de loin) les yeux secs refusants à sa pitié la pitié de leurs larmes charitables: Pource que le sang dementi ne s'esmeut plus, pource que la stupidité saisit le cœur, le serre, l'estouffe, l'empierre: Pource que la brutalité engloutist la cognoissance & la recognoissance: Pource que la nature n'a plus de naturel: Qu'elle n'a plus de centre ny de lignes à sa circonference, qu'elle n'a plus de baze ny de frontispice, qu'elle est sans degrez; Que l'un & l'autre sont sans milieu. Que tout est confusion.

Pource que le langage François jadis outil, organe & moyen à l'assemblage, à la correspondance, à la societé tourne son usage à la dissolution, à la piperie à la division. Le sang, la parenté, pere fils freres se mescognoissants, la mescognoissent aussi. Les degrez de la nature, le sang n'excite point les courages à s'opposer aux atteintes des attentats à destourner le Gobelet du poison préparé, à parer au tranchant acere, Crésus n'a point de fils entre les François qui desnouë sa langue pour le hola.

Nos Roys les Oincts de Dieu sont enleuez

326 d'entre les viuants avec impunité. La France  
1615ak n'a point comme l'antique Rome, son Marc An-  
thoine qui porte au peuple & au Senat la robe de  
Cæsar teinte de son sang bienfauteur innocemmēt  
espandu par l'ingratitude & la mescognoissance.

Ces braues qui ont braué laudace la plus sourcil-  
leuse, ces genereux ont defaillly, leur race s'est de-  
mentie, & leur courage s'est escoulé: Tant s'en  
faut qu'ils ayent faict teste & tourné visage; Qu'ils  
ayent presté l'espaule pour soustenir ce violent es-  
croulement, ils ont tourné le dos prenant le frein  
aux dents, ils se sont abandonnez, abandonnant  
leur deuoir & leur patrie. Fouillez courages failly,  
fouillez les monuemens de vos Ancestres: Ou enter-  
rez vous & vos hontes avec leur premier gloire; Ou  
animez des trophées de leurs triomphes, ordonnez  
vos resolutions à leur exemples, ou du tout desad-  
uouez vos noms puisque vous desaduouez & de-  
mentez leurs actions.

Siecles passez venerable Antiquité reprochez  
nous vos premiers generositez, en la constitution,  
possession, & conseruation de vos glorieuses libe-  
rez.

Et vous qui nous suyurez, ô miserable posterité  
ayez horreur de ce que vous lirez de la ferardise des  
hommes de ce siecle, hommes. Ah quels hommes!  
ayez honte de porter nos noms & nos armes, puis-  
que nos noms infames, puisque nos armes honteu-  
ses.

Vous ô vous qui passez sans crime sous les pei-  
nes des plus criminels, ames innocentes, mais ti-  
mides, releuez vous au moins par quelque protesta-  
tion: Sequestrez vous par quelque mystereux acte



de reproche des coupables.

Il falloit, il falloit: mais il n'est plus temps, dès le commencement suffoquer les seminaires funestes. Il falloit iuger que Catillina peut mourir: mais que la coniuration se conserue, quand on conserue les coniurateurs.

La coniuence qui a traicté nonchalamment les complices a presupposé l'approbation, & l'impunité a multiplié les vices par l'audace & la temerité.

Puissants Monarques qui auez merité les tiltres d'Auguste, de grand, de Dieu donné, de conquérant, de S. de sage de bien-aimé, de pere du peuple d'Asserteurs delibertez de debellateurs de Tyranies & tous enséble de protekteurs de l'Eglise & de la foy, qui auez reprimé les attentats à vos auctoritez & aux frâchises Ecclesiastiques venez en fantosmes, venez en larues à nos Estats generaux à nos assemblees publiques rendre compte, & vous repentir de vos genereuses resolutions approuuees par tant de siecles; & non seulement desaduouees: mais mescreues de l'ignorante malignité du siecle present.

Mais venez aussi en vos gloires nous faire les affreux reproches de ces parricides publics qui ont espandu vostre sang le plus Auguste de la Chrestienté en deux branches du tige de S. Loys. Reprochez nous l'impunité par nos estonnements, reprochez nous l'outrécuydance enorgueillie par nos tollerances. Mais reprochez nous nostre Roy delaislé, le rabais de son autorité, La flestrisseure de ce beau lys, labandon de sa vie, animez les cœurs, fortifiez les resolutions, disposez les mains des forts, des vaillants à la conseruation de sa Majesté Auguste & venerable: Qu'il soit mis à couuert des

embusches de ses ennemis, ouurez son Asyle, & surserez-lé par vos fidelitez.

Mains gauches qui gauchissez au deuoir ayants receu les bien-faicts de la main droicte retribuez vous ainsi vos bien-faicteurs par preuariance? Receuez vous ainsi la liberalité de Iuda, le fort de vostre aisné pour luy nier la recognoissance, & la porter ailleurs?

Deserteurs de party & de deuoir auez vous point honte de mettre en desadueu la qualité que vous vous vendiquez de vos noms & de vos armes hereditairement? Mescognoistrez vous tousiours la France de la cognoissance de vos deuanciers & de la recognoissance de leurs actes vertueux? Elle les a esleuez comme siens, & comme ceux que la nature luy a donné sous le tiltre de legitimation: Elle les a chéri, comme doublement siens par l'accessoire du prix de l'adoption. En cecy elle leur a fait sentir les fructs de son amour. Cét ingrat traitement par cette mescognoissance cause le dernier remords, le long repentir à nostre France, mere commune: mais malheureuse mere en la quantité de tels enfans.

Changemens, adulterins, humeurs volages, cerueaux ecernelés, courages estonnez, affections altereez par les pensions passees en passions voulez vous point encores vous glorifier de tiltres d'imprudens & de malicieux.

Enfans de Lem qui auez semé lestrif, & planté les prouings de la priuarication, osez vous deriuier la sueur de Ruben, la benediction de Iuda, le travail de vos freres pour vous porter hors de vos fonctions, par le transport des factions estrangeres.

5  
Vous laisserez vous emporter par vos funestes intelligences pour entreprendre sur le privilege de nos anciennes libertez? Libertez glorieuses confirmees par tant de Conciles legitimes seriez vous infirmes par les trames secretes & illegitimes? Quoy François souffririez vous l'orgueil estranger sur les crestes Gauloises? Non, non, cela ne se peut Resolvez vous donc en la resolution & par l'exemple de vos deuanciers, de conseruer l'integrité de vos fidelitez pour conseruer à nostre Roy son entiere authorité selon son pouuoir qui ne recognoist que Dieu seul.

Philippe Auguste; Loys neuuesme, Philippe le Bel ont retenu l'Eglise impollue dans l'estat par le respect de leurs souverainnes Majestez. Consultez la verité du temps qui nous fuyt les Arbitres du monde parleront, & les Princes de la Chrestienté tireront de leur Archives, & vous feront lire les tesmoignages irreprochables de ceste verité. Le premier s'est conserué iusques au tombeau le tiltre que ses premieres actions luy auoient acquis. Le second ne peut estre refusé du prix de sa vie & du loyer de ses hauts faicts, pour lesquels apres sa mort il a esté admis au Catalogue des bié heureux saints nonobstant son opposition aux entreprises friuoles du Romain Pontife sur l'estat Salique. Le dernier foncé par l'estourdie outrecuydance de Boniface huitiesme disposa vos deuanciers, & les resolut à son opposition employant Colonne & Nogaret à l'execution de ce qui en fut resolu.

Descendez aux siecles fuyants, Charles le bien aymé auant l'alteration de sa santé mesmes pendant les assauts liurez à l'entree de son regne, quel



exemple vous a-il laissé de sa magnanimité? Regardez ceux qui le suivent, Louys onzième, Charles huitième, Louys pere du peuple, Henry second, qu'elles Escholes de vos devoirs? Apres les exemples de vos ancestres soubstant de grands Princes, vous laisserez vous diuertir & destourner par les arguties & sophismes d'un esprit léger qui tiré de la lie populaire & enrichy de bien-faicts de la France, en abuse infectant les aureilles Françoises de la puanteur de son ingratitude. Qui par la confusion de paroles infuses, par l'Atheisme se descouvre sans passion à son deuoir, sans affection à la Religion, sans respect au Magistrat, sans honneur au Roy, sans crainte de Dieu. Luy que la France a releué de la necessité qui le terrassoit dans les irresoluës resolutions de son desespoir.

Vous les fils d'Isaac, vous les premiers naiz, vous qui par les exploits notables estes annoblis soubz la benediction; ne vous laissez supplanter & surprendre. Le priuilege d'aïnesse est flatteur: mais l'adoption fondee sur les causes legitimes est favorable: Prenez garde que la France cognoissant vostre mesconnoissance ne vous mesconnoisse aussi: vous estes menassez, le peril y est eminent. Le priuilege de la Primogeniture se surprend. Et cependant que vous introduiriez le diuorce en l'estat, le reproche entreroit en vos familles; & le schisme en l'Eglise.

Sçauiez vous pas que l'Estat Salique ne recognoist sur son Roy autre souuerain que Dieu. Que les François n'ont en la bouche le nom de l'Empeur que soubz l'égard de la bien-veillance: que le Pape n'est reueré que pour les decisions aux poincts con-

rentieux entre les Ecclesiastiques. Et seroit-il possible que les successeurs de ceste ancienne Noblesse de ces Argyraspides de nos premiers Roys n'eussent plus d'espees & qu'ils passassent honteusement sous les picques Romaines. Qu'ils soient plustost imputez successeurs des esclaves des Scythes qui fuyoyent deuant le foüet, qu'ils soyent mesereus & nobles & François, puis que leurs actions tombent en desadueu, en opprobre & mespris. Qu'ils protestent, qu'ils contestent, qu'ils attestent en leurs forcenemens : Babel interposera sa confusion. Mais plustost que les Elements s'assemblent, que nous soyons si lasches de porter ailleurs nos recognoissances du Spirituel & du Temporel.

Princes, tiges de saint Louys, vos interest, se resueillent par les interests du Roy. Il est temps si iamais, il est temps & vous tardez d'aller au deuant, de vous roydire contre ces entreprises. Il est temps de reprimer laudace, de fermer la bouche à cette temerite, de chastier ces blasphemes, de les arrester par la punition exemplaire. Examinant leurs intentions les recherchant de pres, on trouuera la lancette dās les droites & dans les gauches le bassin, ils tastent le poulx, touchent & pressent les veines de l'estat pour en tirer le sang plus pur & en ensanglanter leur ingratitude.

Seigneurs, Cheualiers, Gentils-hommes, ne soyez plus discernez par les considerations de vos interests particuliers. Ceux-cy sont vniuersels & vous touchent de pres. Car ces menees ne se font que par ceux qui ne sont plus des vostres, encores qu'ils soyent venus de vous, ils ont forligné, ils se sont alienez de nous, ne nous laissant que les tesmoi-

gnages honteux des abus de leurs charges: leurs bastards gagez maudits de Dieu, mais seuls gages & témoins de la lascheté de ceux desquels ils tiennent leur estre. Qui leur seruent de suffragants, se glissent, s'insinuent, s'installent, s'establisent en la veneration de ceux qui nous mesprisent.

Comment, l'Italie nous suppeditera, nous mettra le pied sur la gorge: Nous ployerons courbez en reuerences aux portes du conclaue, & nous en serons exclus, l'accez nous en sera refusé: qui a dicté ceste rigoureuse loy? Nous n'auron point part en ceste benediction du souuerain Pontificat, & nous serons soubmis à ceux qui nous ont enleué nos droicts communs aucc eux & à toute la Chrestienté, Qu'elle benediction en la succession du premier des Apôstres, ne sera-elle pas vniuerselle & à toutes nations, Et qui plus est: Aaron s'esleuera sur Moÿse le souuerain, celuy qui donne la loy qui porte l'espee pour la faire obseruer, sera soubmis à celuy qui soubz la loy despend de luy.

Icy la France vous semond par vos deuoirs, de vous assenrer pour vous resoudre: ne tardez plus.

Les Majestez venerables des Parlements veillent sur vos actions, comme Argus tousiours veillants inspirez par l'exemple & par la cognoissance de cét infatigable Bruslard non imité & à iamais inimitable aux dignitez de sa charge & onereuse & honorable entre toutes celles qui secondent les fonctions Royales. Ils vous peuuent faire cognoistre ce que vous vous deuez; Ce que vous deuez à vostre Roy, ce que vous deuez aux vostres. A quoy si vous faillez, prenez garde à vous, & sçachez que la Deesse Adrastie sied & marche aux costez des Majestez



9  
jestez Royales. Ne soyez donc point en ce siècle les premiers en exemple honteux de desolation & de ruine. Ne perdez pas ce que vous possédez. La mollesse & l'imprudence perdent souvent le tiltre, la possession & la propriété. Et pour neant le repentir.

Considérez aussi que la France ne peut estre France tandis qu'elle souffrira la liberté de l'Eglise Gallicane estre opprimée par la violence estrangere : Elle ne peut estre France, & se recognoistre tributaire à la sordidité & mecanique & mercenaire : croire autrement s'est estre abusé & circonvenu.

Doncques s'il vous reste encorès quelque estincelle de ceste affection, de ceste generosité françoise : Si vous avez le cœur saisy de l'amour & de l'honneur de nostre Roy en son aage tendrelet, & faisant son entree à la Royauté : Si vous avez en quelque veneratiō le nom & la memoire de Henry le Grand qui l'a substitué pour maintenir la gloire de cét Estat : Montrez, François, montrez en tous aages, en toutes conditions, en toutes qualitez que vous voulez cimenter les deux colonnes de l'Estat, la pieté & la Justice du ciment de vostre sang, pour sa longue continuation en sa pure intégrité. Et puis- siez vous luy servir d'arcs-bouttans & les vnir par les estroicts liens de l'éternité.

Et puisse nostre Louys admiré & glorifié par l'amour des Chrestiens, & l'estonnement des infidèles, regner longuement heureux adioustant aux tiltres de ses deuanciers celuy de iuste & de Religieux.

Prudents comme Serpens, bouchez vos oreilles

aux enchantemens dont les Sectaires d'Ignace abusent la Chrestienté endormie, assoupie, extatique par le gobelet empoisonneur de leurs Soporifiques pauots, de leurs homicides Mandragores.

Myron sage Myron : Que ceste candide & religieuse æquanimité est applaudie : Que ceste repartie resoluë sur le champ qui meit ton cœur en parade sur tes leures, du pouuoir absolu de nos Roys, est agreable aux François, François, ouy François Catholiques bons Patriotes ennemis capitaux de ces enfans supposez, que la France des-aduouë comme monstres auortons de la malice de ce siecle. Courage, Myron, nostre Assuerus vn iour recognoistra Mardochee lisant les actes de ta Preteure, ton opposition sainte, hardie, genereuse : Courage les vrais François, sont vnis à ta resolution en la protection de l'autorité souveraine de nostre Roy, de la Royne sa mere, en l'administration & garde de cest Auguste deposit qui luy a esté commis de Dieu sous l'ordre de la nature & consentement vniuersel des premiers peuples de la Chrestienté.

Et vous, Madame, qui deuez rendre compte de ceste sacree gestion, de ceste Royale administration aux siecles aduenir, pour en r'emporter ou blasme ou louïange; Ne faictes difficulté de l'imitation des roys, deuanciers de nostre roy. Faictes vous lire les actes publics, les memoires de leurs gestes, vous ferez par eux fidellement enseignee : ils vous parleront selon la verité des choses auxquelles l'antiquité a esté resoluë : Par eux vous apprendrez à conseruer au roy vostre fils l'autorité pareille à celles des Charles, des Louys, des Philippes:

Mais vous auez eu en vostre couche royalle les leçons plus familières de Henry le Grand, duquel le regne n'a esté combattu que par ces impies maximes, ausquelles le malheurs des guerres ciuiles a donné passage, creance & autorité, & sous l'horreur desquelles en vingt & deux années ont esté surpris par parricides execrables les deux plus grands roys de la Chrestienté. Nous auons ces funestes exemples & nous n'en serions point instruits. Nous auons faict teste aux Euesques romains lors qu'ils ont entrepris sur nos libertez, sur les droicts de nos roys, nous auons à leur honte faict tomber sur leur front l'opprobre de leurs entreprises, Boniface huitiesme, Alexandre sixiesme, Jules l'ingrat en feront foy.

Mais nous auons longuement esté travaillé par Sixte, qui d'une voix parricide osa prononcer sur la proditoire abomination de Jacques Clement, avec l'estonnement vniuersel de la Chrestienté.

Tels preceptes, Madame, ont dethroné les Roys de Nauarre, donné l'audace à l'ennahissement de plusieurs estats souverains. Ce qui est à craindre en cest estat, d'autant plus qu'il est en possession de ne recognoistre sur son Roy aucune puissance souveraine, quelque interpretation que donnent ces peudants, qui attribuent à la fonction de Pasteur le tiltre de dominateur: A la publication de la parole, vne ordonnance seculiere. Quiconque (disent-ils) vous ouyt, m'oyt; nyaiseries, comme si enseigner estoit absolument commander, comme si ouyr estoit obeyssance recognue. Au rebours, il est dit, obeyssiez aux puissances temporelles. Moyle a commandé à Aaron, & en suite les iuges ont com-



mandé les souverains sacrificateurs, iusques à Dauid, qui a commandé Abjathar, & de suite en suite iusques aux derniers Roys. Et ne faut pas imputer l'explication de ces mots (Paists mes brebis) commande aux nations, les reigles y sont specificées en toutes les ordonnances diuines.

Mais ie ne veux m'ingerer hors ma profession. La condition de ma qualité estend mon zelle selon ma capacité. Je reuiens pour supplier tres-humblement vostre Maieité. Madame, de ietter l'œil sur la prudence de ce grand Philippes des Espaignes, & sur sa resolution enuoyee au Cardinal Baronius avec menaces, s'il ne corrigeoit l'emancipation de tels vains preceptes qu'il luy feroit ressentir la peine de sa temerité.

Ne vous rendez en espine au cœur du François qui ne peut ployer le col au desaduantage de l'estat & per il euident de la vie de nostre Roy. Iettez l'œil sur les euenemens funebres, pour lesquels ces venerables Senateurs en ceste auguste assemblee ont à la face de la Chrestienté prononcé des arrests si saincts que tous les Monarques & Princes souverains les ont mis dans leurs plus sacrez thresors: comme oracles & paroles inspirees de l'esprit de Dieu. ne raualez leur autorité, Madame, n'enleuez pas le respect que les subiects du Roy vostre fils, tous vos tres-fidelles seruiteurs leur rendent en ceste consideration seulement qu'ils sont l'appuy de l'Estat, & le bras droict de sa Couronne.

Ceux qui les traittent par coutumelièuses calomnies, sont atteints des crimes de leze-Majesté en premier chef: car par la haine & mespris de la Iustice Politique & Civile se descouure l'excez à l'au-

dace des parricides, des rebellions.

Iugez, Madame, de la parole ceux qui blasment le Parlement, si leur vie cautionne leur effronterie. Epaminôdas croyoit aux paroles de la preud'homme non aux attestations assermentees avec execration. Carbo fut renuoyé du Senat Romain, qui luy dit que pour l'appuy de la verité la bonne vie auoit plus de poids que les serments.

Ils employent les langues mercenaires & venales qui comme Memnons s'inspirent à prix d'argent avec ceux de leurs pernicieux desseins, auxquels ils tiennent la main pour empieter les chaires de verité: desquelles abusans comme il s'est trouué puis peu de iours dans saint Mederic, ils tentent le peuple par les oreilles: mais il ny en a plus pour eux si ce ne sont des Clements, des Chastels, des Rauaillacs ou leurs complices. L'on se lassera de leurs blasphemes, & en fin, en fin, on les courra de region en region, de ville en ville, iusques à ce que leur longue fuyte nous ait asseuré & mis hors d'alarme: & qu'ils ayent secoüé la poussiere de cest estat, duquel ils mangent le pain avec ingratitude.

Vostre Majesté, Madame, discernera les vns & les autres par la conference de l'antiquité: qui ne flate point pour plaire, qui ne menace pour estonner: Elle n'a plus d'excez en passion, elle se declare comme elle a esté. ne vous estonnez pas de la grosse des montaignes, elles n'enfantent que des vers: Et ceux desquels on amplifie le pouuoir, n'en abusent point: Dieu tient les ressorts des langues, les tourne tousiours à leurs fins qu'il a preordonné. Balaam estoit gagé pour maudire, Dieu disposa ses mouuements contre la proposition de Balaac. Se-

mei maudit Dauid, qu'en aduint-il? ceste execration retourna en sang sur sa teste.

Prenez garde à la voix de Iacob, elle est souuent contrefaictte pour donner l'approche aux mains d'Esau appareillees à toute horreur, à toutes extremitez.

Celuy, ce traistre qui surprit Henry le Grand pour le r'appel des Iesuites: ce mal-ostru luy persuada qu'il falloit les obliger pour euitier leurs embusches. Quel reuers? ce sacré Parlement en a eu la premiere secousse, avec d'autant plus d'estonnement que l'instrument duquel les Iesuites se sont seruy estoit vil & abject sur toutes les vilitez du monde: outil digne des ouuriers & par eux tel recogneu, ceste clemence surprise à faict passage à leur cruauté. Ce qui est faict ne peut estre qui ne soit faict: mais par l'exemple on s'asseure contre l'aduenir.

Pyramide, ô que ton edifice a esté de grande edification pour la terreur, à l'erreur & l'horreur de l'abomination casueliste des confessions! et que ta ruine a fauorisé d'attentats. Cest entremetteur de ta ruine, ce fils de la nuit & d'Erebe, cest organe de subuersions, ce fagot, ceste botte de stupidité & d'ignorance, ce monstre embrion de deformité, luy ce petit ver de terre, ce puant limon tiré de la lie & de la bouë plus abiecte a conuenu avec eux pour circonuenir ce grand roy. Il a d'une mesme main enterré la gloire du roy, & mis à couuert l'audace & le reproche des publics parricides.

Elle est cheute ceste Pyramide, qui en son frontispice representoit Marius à Minturne plein de Majesté, qui fist tomber l'espect stipendice pour luy oster la vie.



5  
Elle est cheute ceste Pyramide, qui sur son front  
sur ses Angles, en ses contours tenoit les glaiues  
flamboians de la Iustice diuine, comme vn Che-  
rubin à l'entour d'Eden terreur du iugement de  
Dieu, sur le premier homme pour sa temeraire am-  
bition.

Elle est cheute, & ceste atteinte est esteinte, ceste  
atteinte, ceste apprehension de la venerable Ma-  
jesté de nos Roys.

Madame, escoutez la dessus vostre Parlement  
en corps, l'esprit de Dieu l'inspire: il preside en  
cette assemblée pour authoriser la conseruation du  
corps vniuersel, duquel les parties & les membres  
sont en la disposition du Roy & de vostre Majesté.  
Auec luy tous vous succedera heureusement: Auec  
l'aduis des sages vous establirez le regne du Roy  
vostre fils. Ainsi fut estably celuy de Iuda en Salo-  
mon.

Ce Parlement ne vous propose point de nouuel-  
letez par lesquelles les difficultez se multiplient. Il  
met le Roy dans le sentier frayé par soixante Roys.  
Il ne luy propose point d'eschole que de leurs  
exemples domestiques, & partant de plus facile  
imitation.

Cruel souuenir qui me pointelez l'ame de tes  
cuyfants regrets! faut-il, mais il le faut que ie re-  
tourne en arriere à l'horreur de ce coup qui a taché  
les François de l'affreuse teinture que les parricides  
portent sur le front, sur les yeux: Teinture de re-  
proche pour la cruauté, teinture enfumée du souf-  
fre d'enfer: Teinture d'infamie de desespoir & de  
repentir: il faut, mais il le faut, mon Roy, qu'en  
mon courage deffaillant ie me fortifie pour vous

representer ce bourreau, ce furieux, cest endiable, agité & forcenant de desespoir comme Iudas, se determiner à l'exécution de la dernière execration, dont la soudaineté au milieu des pompes sous les arcs de triomphe entresayst cet estat remplissant l'air de cris, de gémissements & de plaintes. Qu'elles desolations, si Dieu n'eut destourné le cours du mal par la resolution de vostre Parlement qui genereusement à porté le remede infailible au mal qui sembloit irremediable.

Le Parlement a cogneu la cause de cette violente maladie proceder de ces damnables maximes, sous lesquelles l'on veut faire ployer vostre majesté & les priuileges de l'Eglise Gallicane.

Si cela est mon Roy: A Dieu, mais vn eternal à Dieu à la plus asseuree portion de vostre France: car, & à quoy nos fidelitez? A quoy nos courages? à quoy nos especes si l'on tient la main aux determinations, qui ont enleué ce roy, ce grand roy, Henri le grand vostre pere l'Amour de la France. Elle a depuis senti rauager ses entrailles iusques aux douleurs dernières; Son cœur, le cœur de son cœur arraché pour assouuir la soif aride & auide de ceste enragee cruauté.

Et qui pis est combien que la presumption en tels cas soit de grand poix, si est-ce Sire, qu'elle a esté de nulle consequence avec les adminicules concludants au necessaire approfondissement. Mais Sire, c'est vne remise qui attend l'age la cognoissance & la resolution de vostre Majesté attendant laquelle joignez au sage Conseil de la royne les aduis des Princes de vostre sang seulement, le soing de vostre Parlement le deuoir des officiers de vostre Cou-

ronne, discernant les Originaires d'avec les adulteres: car il y en a tousiours de deuouiez à la ruine des Estats par la consideration de leurs interests portez ailleurs.

Esloignez de vous ceux que vostre pere a tenu suspects d'infidelité: Elle ne peut estre retenue ny changée: les euenemens selon leur desir les y ont confirmé. Le temps vous fera cognoistre ces mysteres: Qui se cognoissent en l'opposition à la publication des arrests de vostre Parlement prononcez du viuant & selon l'approbation du feu roy ceux qui vous conseillent ceste opposition sont Conseillers tels qu'Achitofel: Ils vendent les paroles qu'ils rendent comme pieges à l'innocence de la tendresse de vostre bas aage, & à la bonté de la roynen non informee des droicts desquels vous estes en possession. Pour en laquelle maintenir vostre Majesté, la genereuse Noblesse de vostre royaume, ie dis celle qui a faict ses apprentissages sous le grand Henry, celle que la France aduoué promet des merueilleux chefs d'œuvres sous les commandements & bannieres de vostre Majesté: mais Sire ie crains pour vous la surprise credule du bon roy Iosias, ie crains aupres de vous les inspirations malignes de ces Sedecies effrontez qui touchez de l'esprit de mensonge attentent vostre Majesté pour la resouldre à sa ruine, contre le vray esprit de Dieu qui par vostre Parlement comme à Iosias par Michee, donne ses aduis & remonstrances salutaires. Ie parle ainsi hardiment contre ces françois denaturalisez contre ces faux Prophetes enseignant les trifles diuorce & la preuarication, contre ces Sedecies ces faux Prophetes qui combattent Michee &



la uerité pour publier leurs men songes. Audacieux ils leuent le chef comme Sedecie contre l'esprit de Dieu, ils arment leurs chefs comme luy de cornes de Beliers pour briguer la foy & la creance par leurs extraordinaires ceremonies: ils attendent vn bonnet empourpré du sang François cuydant par le mystere de leurs bastelages surprendre l'autorité le pouuoir & le commandement: Dieu vous y veille bien inspirer vous gardant & vostre pauvre France des embusches de vos ennemis lesquels sont plus puissants par les Monopoles, & laschetez que par les armes de toute l'Europe coniuree contre vostre France, l'estat de laquelle subsistera tandis que les estats d'icelle seront en l'intelligence avec vostre Majesté telle que requiert la fidelité du sujet enuers son Prince Souuerain.

Ce sont les vœux des bons François qui ont le cœur gros, dur de desdaing & de couroux contre ces Adulterins ingrats, qui ne sôt encores ny saoulz ny lassez des maux desquels Henry le grand vostre pere les a deliurez, ils ont encores de tels Sedecies à gages, qui veulent vous engager comme Iosias Roy de Iuda, a courir à vostre ruine.

Ces bons François, Sire, sont resolus de porter leurs noms dans les Greffes de vos Parlements, & des Bailliages desquels ils releuent avec protestation de venger sur ces preuaricateurs l'outrage qu'ils font à vostre Maiesté, & l'infamie honteuse sous laquelle ils briguent de faire passer vostre Royaume: qui a desia par quelques vns de leurs auteurs & complices esté demembré par Cabale imaginaire. Le grand Henry l'auoit sceu: mais à son desaduantage: car la conscience au lieu d'estre

atteinte pour le repentir & la recherche du pardon, fect par desespoir determinée aux horeurs de la detestable cruauté. Ingrats qui auez couru aux dernieres ruines entre le fer & la flame : qui de vos obstinees fureurs auez embrazé les coinqs & le milieu, qu'attendiez vous devos desseins reprouez du Ciel par les succez contraires, vous qui auez veu le glaive de la Iustice de Dieu dans vos familles decimer vos premiers nez : dittes qu'attendiez vous sinon le repentir sur vos cendres & le remords dans vos supplices. Le grand Henry vous a tant obligé que par le chef-d'œuvre de sa clemence, il vous establit sous le pardon en cette paix de laquelle vous iouyssiez : Ny aura-il iamais de leçon pour vous? Retenterez vous la mer dans les tourmentes à peine deliurez du naufrage? Prenez garde que l'on ne vous enuoye avec vos Proxenetes entretenir vos menees, par la subtilité de vos industrieuses inuentions. La graisse de la France vous endort, elle vous assopit, le ieusne vous resueillera, la France lassée de vous tournera ses bien-faicts ailleurs, & le ieusne fera parler vos ventres. Le changement par le regret vous portera à la cognoissance de ce que vous mescognoissez. Je ne m'adresse pas aux ames bien nees. Qui en leurs dignitez de la Prestrie sainte sacree brulent du zelle de l'Arché de Dieu, qui comme Ophni & Phinees font esclatter leur pieté & leur Religion par les mœurs & l'intelligence: Je parle à ceux qui plus ineptes que Menedeme: plus couuerts de crimes que Coré Dathan & Abiron mettent le trouble en l'Eglise. Qui militaire & combattante avec l'innocence de vie & la simplicité doit imiter la triom-

phante. Au rebours avec le fast & l'orgueil dans l'Auguste Cabinet du premier roy de la Chrestienté bouillonnant de fureur insolente vn certain Prelat à faict le xodomont, brauant le ciel, menaçant la mer & mesprisant la terre secondé de la plus hypocrite & desguisee pollution d'vn autre qui se permettant par vsurpatiōs la qualité de iuger selon le pouuoir que Iesus Christ a laissé à la sainteté approuuee de ses disciples profana de sa bouche sale & puante les paroles de l'Apostre liurant à Satan le roy, les Princes les Officiers de la couronne s'ils ne prestoient l'espaule à leur infame ambition. Que direz vous Messieurs de ce tres-ignorant bon a porter marotes, de son attentat audacieux à la personne sacree du premier Prince du sang? rentrez en vos devoirs par la recognoissance de vos conditions qui en leurs dignitez selon la deüe fonction sont grandes & excellentes, & cependant par la bouche du fils de Dieu soubmises aux puissances temporelles, faictes esclatter par vos exemples la foy que vous deuez au Roy & à son Estat, de peur qu'il ne vous rebute & mescognoisse: Sequestrez vous par vos protestations de la compagnie correspondance & association des Sectaires d'Ignace de peur d'estre tenus complices de leurs complots & monopoles parricides: Mais à l'aduenir n'ordonnez pas vos deputations sans examen. Auez vous point de Catons: Di sçernez la vie de Caton & de Clodius. Cestuy-là honorera sa legation, cestuy-ci donnera de l'horreur & du mespris par sa vie incestueuse & Symoniaque. Voyla l'Estat miserable des estats de cest estat. Voyla la Francc à l'abandon transportee de deuil



& de regrets. Elle tend les bras à son Loys son Roy  
son bien-aymé, mais surpris en son bas aage. A la  
Royne, mais circōuennē: elle appelle son Genie les  
tutélaires: mais ils sont sourds. Ils ont horreur de  
l'horreur des parricides coniurateurs, qui triom-  
phent sur les cendres de Henry le Grand: Qui bra-  
uent en nos estonnemens. L'audace s'est enor-  
gueillie, la Pyramide est renuersee, & le grand  
Henry n'est plus.

Handwritten text, likely bleed-through from the reverse side of the page. The text is mirrored and mostly illegible due to fading and the quality of the scan. Some words are difficult to decipher but appear to be in a historical or legal context.





















